




La rojula



Idiom: Gherdëina

Ie ti é dat na bela rojula,
iust nsci coche les flëur d'instà.

Ëila s'l'à metuda cun gran legrëza
te si liber da mëssa,
y ie m'é debota metù
tl dëit si varëta.

L ne ie nia plu jì via n ann
che la rojula ne fova plu cuecena.
Y mi pitla che me fova dut,
su da Idie se n iela jita.

Da bradlé ora i uedli,
ma la m'ova dit:
“Nëus ruveron pa bën inò adum
tlassù sun paravis.”

Y sce ruve n iede al ciel
ulerei debota te crì
y sce vëije monce ie ch'la rojula,
te cunescerei nce ie té saurì.